



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-672 -3/22**
Datum: **09.01.2023. godina**

«Agencija za vodno područje rijeke Save» Sarajevo rješavajući po zahtjevu pravnog lica „KALEA“ d.o.o. Sarajevo za izdavanje vodne dozvole za ispuštanje tehnoloških otpadnih voda sa lokacije poslovnog objekta- proizvodnja namještaja sa pratećim sadržajima u Starom Ilijašu, na osnovu člana 139. stav (1) Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

RJEŠENJE

1. Odbija se zahtjev pravnog lica „KALEA“ d.o.o. Sarajevo izdavanje vodne dozvole za ispuštanje tehnoloških otpadnih voda sa lokacije poslovnog objekta- proizvodnja namještaja sa pratećim sadržajima u Starom Ilijašu, na zemljištu označenom kao k.č. 1350/1, 1352/1, 1351/2, 1944/4, 1351/1 i 1332/4 K.O. Ilijaš Grad u Starom Ilijašu s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene tehnologije proizvodnje ili namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Pravno lice „KALEA“ d.o.o. Sarajevo zahtjevom broj: 03/798/2022 od 19.12.2022 godine zaprimljenim u ovoj Agenciji dana 23.12.2022 godine zatražilo je izdavanje vodne dozvole za ispuštanje tehnoloških otpadnih voda sa lokacije poslovnog objekta- proizvodnja namještaja sa pratećim sadržajima u Starom Ilijašu na zemljištu označenom kao k.č. 1350/1, 1352/1, 1351/2, 1944/4, 1351/1 i 1332/4 K.O. Ilijaš Grad u Starom Ilijašu .

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o upisu u sudski registar broj upisa 1-16022 od 25.10.2000 godine, izdato od strane Kantonalnog suda u Sarajevu- ovjerena kopija,
- Kopija uvjerenja o poreskoj registraciji izdato od strane Kantonalnog poreznog ureda Sarajevo dana 07.12.2000 godine,
- Rješenje o ispunjenju uslova u predmetnom poslovnom objektu broj: 07-05-20/1-584-EI-MM od 13.03.2001 godine, Ministarstvo privrede Kantona Sarajevo,
- Rješenje o odobrenju za građenje broj: 05/1-19-1455/21 od 12.08.2021godine izdato od strane Službe za prostorno uređenje i zaštitu okološa, Općina iIijaš,
- Rješenje o odobrenju za građenje broj: 05/1-23-1844/14 od 30.12.2014godine izdato od strane Službe za prostorno uređenje i stambeno-komunalne poslove, Općina iIijaš
- Zapisnik o inspekcijском nadzoru broj: UP1-14-21-2-00171/2022-1403-P-1403-1-P od 06.12.2022 godine, Federalni vodni inspektor,
- Načelna saglasnost broj: 1354/21 od 24.06.2021 godine za priključak na gradsku kanalizacionu mrežu izdata od strane JKP „Vodostan“ d.o.o.Ilijaš,
- Načelna saglasnost broj: 1354/21 od 24.06.2021 godine za priključak na gradsku vodovodnu izdata od strane JKP „Vodostan“ d.o.o.Ilijaš

B. Tehnička dokumentacija

- Mašinski projekat ventilacije lakirnice i sušare sa nadpritiskom u firmi KALEA d.o.o. Ilijaš, „CIKLOVENT“ d.o.o. Novi Sad, august 2016 godine,
- Glavni projekat vanjskih instalacija kanalizacije i vanjske hidrantske mreže fabrike KALEA d.o.o. Ilijaš u Ilijašu urađen od strane ASI Inženjering d.o.o. Sarajevo, oktobar 2022 godine,
- Finalni izvještaj o izvršenoj reviziji projektne dokumentacije urađen od strane PPG d.o.o. Sarajevo, decembar 2022 godina.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-672-2/22 od 05.01.2023. godine.

Na osnovu uvida u dostavljenu dokumentaciju i izvršenog uviđaja na terenu utvrđeno je sljedeće:

Lokacija tvornice namještaja sa pratećim sadržajima se nalazi u Starom Ilijašu na zemljištu označenom kao k.č. 1350/1, 1352/1, 1351/2, 1944/4, 1351/1 i 1332/4 K.O. Ilijaš Grad u Starom Ilijašu.

Na predmetnoj lokaciji se nalazi proizvodni objekat sa pratećim sadržajima u kome se vrši proizvodnja namještaja.

U samoj proizvodnji namještaja imamo sljedeće procese: prekrajanje daske, spajanje dijelova daske rezanje i lijepljenje spužve, lakiranje dijelova namještaja, tapaciranje pakovanje.

U procesu proizvodnje se vrši i postupak lakiranja dijelova namještaja. U lakirnici se premazna sredstva nanose prskanjem uz pomoć ručnog pištolja sa komprimiranim vazduhom.

Otpadne vode iz lakirnice se prikupljaju u taložnik, te sistemom recirkulacije ponovo koriste kao „vodena zavjesa“ za prikupljanje čestica laka koje nastaju prilikom lakiranja. Ova voda se ne ispušta. Talog koji nastaje u bazenu se povremeno se čisti i zbrinjava od strane ovlaštene firme.

Na predmetnoj lokaciji se nalazi rezervoar za skladištenje naftnih derivata smješten u tankvani zapremine 5 m³. Po izjavi podnosioca zahtjeva rezervoar je bio zakupljen i isti će biti vraćen te se neće koristiti na predmetnoj lokaciji. Na lokaciji se ne vrši servisiranje vozila kamiona i šlepera.

Prilikom uviđaja utvrđeno je da u tehnološkom procesu kod proizvodnje namještaja se ne koristi voda te ne nastaju tehnološke otpadne vode.

Na predmetnoj lokaciji nastaju oborinske vode sa platoa i krovova i iste će se prikupljati AB kanalima. Ove vode se uvode u kolektor oborinskih voda a nakon toga priključuju na kolektor javne oborinske kanalizacije sa ispustom u rijeku Bosnu. Predmetni poslovni objekat je pribavio načelnu saglasnost za priključak na gradsku kanizacionu i vodovodnu mrežu kojim upravlja JKP „Vodostan“ d.o.o. Ilijaš.

Snabdijevanje vodom za potrebe predmetnih objekata je obezbijeđeno priključkom na gradski vodovodni sistem.

Za pravno lice JKP „Vodostan“ d.o.o. Ilijaš je izdato Rješenje o vodnoj dozvoli za ispuštanje komunalnih otpadnih voda UP-I/25-3-40-223-6/18 od 25.07.2018 godine od strane ove Agencije.

Za predmetni poslovni objekat je pribavljena građevinska dozvola od nadležnog organa.

Podnosilac zahtjeva je dužan da u skladu sa propisima zaštite okoliša vrši bezbjedno skladištenje i postupanje sa opasnim materijama i ostalim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom te isti predati na zbrinjavanje ovlaštenoj firmi za tu vrstu djelatnosti.

U planiranom objektu neće nastajati tehnološke otpadne vode iz procesa rada, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama kao ni oborinskih onečišćenih voda kako je to utvrđeno odredbama članom 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).

Na osnovu dostavljene dokumentacije i utvrđenog činjeničnog stanja, u skladu sa članom 139. stav (1), članom 110. stav (3) Zakona o vodama («Službene novine Federacije BiH», broj 70/06) i člana 123. stav 2. Zakona o upravnom postupku («Službene novine Federacije BiH», broj 2/98, 48/99), pa je sukladno navedenom riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju

Rukovodilac sektora za zdavanje vodnih akata



Haris Ališehović, dipl.inž.građ.

Dostaviti:

- „KALEA“ d.o.o. Sarajevo, Bosanski put bb, Ilijaš (Prilog-tehnička dokumentacija pod tačkom B obrazloženja ovog Rješenja)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava